

Llyr Gruffydd AS
Cadeirydd y Pwyllgor Cyllid

8 Mehefin 2020

Annwyl Llyr,

Amserlen cyllideb 2021-22

Yn unol â Rheol Sefydlog 20.2, mae'r Pwyllgor Busnes wedi cael hysbysiad ffurfiol bod y Llywodraeth yn bwriadu cyhoeddi cynigion amlinellol a chynigion manwl Cyllideb Ddrafft 2021-22 ar 8 Rhagfyr, ac yn bwriadu cyhoeddi'r Gyllideb derfynol ar 2 Mawrth 2021. Rwy'n ysgrifennu atoch i geisio barn y Pwyllgor Cyllid ynghylch y terfyn amser arfaethedig i chi gyflwyno adroddiad ar y gyllideb ddrafft, fel sy'n ofynnol o dan Reol Sefydlog 20.4.

Wrth benderfynu ar y terfyn amser hwn, mae Rheol Sefydlog 20.5(i) yn nodi bod yn rhaid rhoi wyth wythnos fel arfer i'r Pwyllgor Cyllid adrodd ar gynigion cyllideb amlinellol, tra bod Rheol Sefydlog 20.5(ii) yn ei gwneud yn ofynnol bod yn rhaid rhoi o leiaf bum wythnos i bwyllgorau eraill ystyried cynigion cyllideb manwl, yn unol â'r amserlen a bennir gan y dyddiadau uchod a nodwyd yn hysbysiad y Llywodraeth.

Mae'r Trefnydd wedi nodi bod y Llywodraeth yn bwriadu trefnu'r ddadl ar y gyllideb ddrafft ar ddydd Mawrth 9 Chwefror 2020. Byddai hyn yn ei gwneud yn ofynnol i'r Pwyllgor Cyllid a phwyllgorau eraill adrodd erbyn dydd Mawrth 2 Chwefror 2020.

Yn ei llythyr, nododd y Trefnydd fod ansicrwydd digynsail eleni ynghylch bwriad Llywodraeth y DU ar gyfer adolygiad o wariant ac amseriad ei chyllideb. Pe bai'n bosibl gwneud hynny, byddai Llywodraeth Cymru yn ceisio cyflwyno ei chyllideb yn gynharach yn yr hydref, gan ofyn i'r Pwyllgor Busnes adolygu'r amserlen yn unol â hynny.



Senedd Cymru
Bae Caerdydd, Caerdydd, CF99 1SN

✉ SeneddPwyllgorBusnes@senedd.cymru

☎ 0300 200 6565

Welsh Parliament
Cardiff Bay, Cardiff, CF99 1SN

✉ SeneddBusiness@senedd.wales

☎ 0300 200 6565

Byddwn yn ddiolchgar i glywed eich barn ar yr amserlen arfaethedig cyn gynted â phosibl, fel bod modd i'r Pwyllgor Busnes gyhoeddi'r amserlen ar gyfer ystyried y gyllideb yn fuan ar ôl toriad yr haf. Byddwn yn ddiolchgar hefyd i glywed eich barn ar y posibilrwydd o newid yr amserlen fel y disgrifiwyd, pe bai'r Llywodraeth yn gofyn am wneud hynny.

Cofion cynnes,



Elin Jones AS

Llywydd a Chadeirydd y Pwyllgor Busnes

Croesewir gohebiaeth yn Gymraeg neu Saesneg. We welcome correspondence in Welsh or English.





Elin Jones AS
Y Llywydd
Cadeirydd y Pwyllgor Busnes
Senedd Cymru
Bae Caerdydd
CF99 1NA

SeneddBusiness@Assembly.wales

02 Gorffennaf 2020

Annwyl Elin

Rwyf yn ysgrifennu atoch yn rhinwedd eich swydd fel Cadeirydd y Pwyllgor Busnes ynghylch yr amserlen ar gyfer Cyllideb 2021-22.

Yn anffodus, rydym yn wynebu amgylchiadau tebyg i'r rhai a effeithiodd ar ein paratodau ar gyfer cyllideb 2019-20. Nid ydym yn gwybod ein setliad cyllideb 2021-22 hyd yn hyn a hyd nes y cawn yr wybodaeth hon ni allwn ddarparu sicrwydd ar ein hamserlen ar gyfer ein cyllideb 2021-22 ein hunain. Ni fydd yr wybodaeth hon ar gael inni nes bydd Llywodraeth y DU yn gorffen ei Hadolygiad Cynhwysfawr o Wariant o'i gymharu â Chyllideb yr Hydref.

Yng nghyfarfod pedairochrog Gweinidog Cyllid y DU yr wythnos diwethaf roedd yr holl Weinyddiaethau Datganoledig yn pwysu am fanylion ynghylch pryd y byddai'r Adolygiad Cynhwysfawr o Wariant yn digwydd. Ers hynny, cadarnhawyd y bydd y Canghellor yn rhoi diweddariad economaidd yr haf ar 8 Gorffennaf ac mae'n bosibl y bydd hyn yn rhoi mwy o eglurder o ran pryd y bydd yr Adolygiad Cynhwysfawr o Wariant yn digwydd. Er hynny, rwy'n ysgrifennu'r llythyr hwn er mwyn cydymffurfio â Rheol Sefydlog 20, sy'n ei gwneud yn ofynnol i'r Gweinidog sy'n gyfrifol am fusnes y Llywodraeth roi gwybod i'r Pwyllgor Busnes o leiaf bythefnos cyn toriad yr haf ar ba ddyddiadau y caiff y gyllideb ddrafft ei gosod a chynnig y gyllideb flynyddol ei gyflwyno.

Ysgrifennodd pwyllgorau cyllid y gweinyddiaethau datganoledig hefyd at Brif Ysgrifennydd y Trysorlys ar 29 Mehefin i fynegi pryder ynghylch gallu llywodraethau'r pedair gwlad ledled y DU i wneud trefniadau ar gyfer cyhoeddi a chraffu ar eu cyllidebau blynyddol yn yr ansicrwydd parhaus hwn. Rwy'n ysgrifennu at Gadeirydd y Pwyllgor Cyllid i gydnabod yr anawsterau hyn ac i ofyn am gefnogaeth y Pwyllgor Cyllid i'm cynnig i gyhoeddi amserlen ddangosol, a allai newid.

Mae Rheol Sefydlog 20.6 yn gwneud darpariaeth i'r Pwyllgor wneud newidiadau i'r amserlen ar gais y Llywodraeth. Yn amodol ar hyn, ac ar y ddealltwriaeth y byddaf yn darparu amserlen bendant cyn gynted â phosibl ar ôl i Lywodraeth y DU wneud cyhoeddiad

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1NA

Correspondence.Rebecca.Evans@gov.wales
Gohebiaeth.Rebecca.Evans@llyw.cymru

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

ynghylch yr adolygiad o wariant a'i Chyllideb. Hoffwn nodi yn awr ein bod yn bwriadu cyhoeddi'r Gyllideb amlinellol a'r gyllideb ddrafft fanwl gyda'i gilydd ar 8 Rhagfyr, a'r gyllideb derfynol ar 2 Mawrth 2021, yn amodol ar y blaengynllun y cytunir arno ar gyfer cyfarfodydd llawn y Senedd.

Wrth gynnig y dyddiadau hyn rwyf yn ymwybodol o Reol Sefydlog 20.5 a'r trefniadau y cytunwyd arnynt rhwng Llywodraeth Cymru a Senedd Cymru o ran y cyfnod a ddarperir ar gyfer craffu. Mae Rheol Sefydlog 20.5 yn darparu, mewn amgylchiadau 'arferol', i'r Pwyllgor Cyllid gael 8 wythnos i gyflwyno adroddiad ar gynigion y gyllideb amlinellol a phum wythnos i'r pwyllgorau ystyried cynigion manwl y gyllideb. Er nad oes modd galw hyn yn flwyddyn 'arferol', rwyf wedi ymrwymo o hyd i sicrhau'r gwaith craffu llawnaf posibl ar ein cynigion gwariant. O ganlyniad, byddai'r amserlen yr wyf wedi'i nodi yn caniatáu 8 wythnos ar gyfer craffu ar y gyllideb ddrafft, gan gynnwys 5 wythnos eistedd a 3 wythnos pan nad ydym yn eistedd. Mae hyn yr un fath â'r cyfnod craffu a oedd ar gael i'r Senedd i graffu ar gyllideb 2020-21.

Efallai y bydd datganiad y Canghellor ar 8 Gorffennaf yn rhoi sicrwydd cynnar. Os bydd gennym ddealltwriaeth gadarn yr wythnos nesaf byddwn yn falch o ddarparu'r wybodaeth ddiweddaraf i'r pwyllgor busnes cyn toriad yr haf.

Os na fydd hyn yn digwydd, unwaith y cawn sicrwydd, byddwn yn ailedrych ar ein cynlluniau ac yn ysgrifennu eto i gadarnhau ein bwriadau, a byddem yn ceisio cyflwyno ein cynlluniau a chyhoeddi'r gyllideb yn gynharach os bydd amserlen Llywodraeth y DU yn gwneud hyn yn bosibl. O dan yr amgylchiadau hyn, byddwn yn ddiolchgar o gael cadarnhad y byddech yn cefnogi newid y dyddiadau a nodir uchod yn unol â'r ddarpariaeth a nodir yn y Rheolau Sefydlog, fel y gwnaethoch yn 2019. Fy mwriad fyddai achub ar y cyfle yn y Pwyllgor Busnes i ofyn am gadarnhad gan fy nghyd-Reolwyr Busnes y byddent yr un mor gefnogol.

Rwyf yn ddiolchgar unwaith eto am ddealltwriaeth y Pwyllgor ac yn gobeithio bod y trefniadau hyn yn dderbyniol, o gofio'r amgylchiadau, sy'n cael eu gyrru gan ffactorau allanol y tu hwnt i'n rheolaeth uniongyrchol ac sydd â lefel ddigynsail o ansicrwydd.

Yn gywir,



Rebecca Evans AS/MS
Y Gweinidog Cyllid a'r Trefnydd
Minister for Finance and Trefnydd